

K29-51

中國方志叢書·華北地方·第五五八號

據

民國·焦國理總纂，賈秉機總編
民國二十四年鉛印本

影印

甘肅省

重修鎮原縣志

(四)

成文出版社有限公司印行

重修鎮原縣志卷之九

軍政志

道隆化治則耕牧自給固爲內郡德不及遠則屯兵建帥形牽勢制鎮原古用武地周秦二漢五胡唐宋之間寇戎迭告大事紀已詳言之清二百餘年兵廢不用而城守之制未始從略茲並摭拾歷代以來重兵戍守及增置烽墩著之於篇以爲考鏡云爾

歷代軍制

周官大司馬凡制軍萬有二千五百人爲軍王六軍大國三軍次國二軍小國一軍

秦并天下列爲三十六郡郡置材官

漢制踵秦置材官於郡國

（輯志）

民年二十三歲爲正一歲爲衛士二歲爲材官
騎士習射御騎馳戰陣年六十五乃免就田里

魏府兵

宇文泰相魏輔以蘇綽經濟之略於軍尤詳六軍百府始倣周典而稍還兵
農不分之舊泰始籍民之才力者爲府兵身租庸調一切蠲之以農隙講閱
陣戰馬蓄糧備六家供之合爲百府每府一郎將主之分屬二十四軍泰督
中外諸軍六人各督二大將軍凡十二大將軍每大將軍各統開府二人開
府各領一軍蓋至是而隴右河西皆成勁旅矣

隋制仍周齊府兵之舊而加潤色其十二衛各分左右皆置將軍以分統之

以上特存

大略至唐宋以下多專設防禦故詳述焉

唐府兵

（輯志）府兵之制無事耕於野有事則命將以出事解輒罷兵散於野將歸於朝故士不失業而將帥無重權其法以千二百人爲上府千人爲中府八百人爲下府鎮原後周置總管府於高平唐因之於貞觀五年置中都督府則額兵不止千二百人將領自折衝都尉而下有長史兵曹別駕等官屬

（唐兵志）

士以三百人爲團團有校尉五十人爲隊隊有正十人爲火火有長火備馱馬六隊具火鑽一人具弓一矢三十橫刀氈帽氈裝行膝皆一麥飯九斗米

一斗皆自備并其介冑戎具藏於庫有所征行則視其人而出給凡民二十爲兵六十而罷

宋民兵及弓箭手

民兵之制多行於有事之時俾之自爲藩衛與官兵相犄角以壯聲勢周隋府兵本於西魏此民兵之所由昉也至唐而其制廢後澤潞留後李抱真籍戶丁男三選其一農隙則分曹角射歲終都試以爲賞罰宋開寶間發渭州平原潘原二縣民治城壕因立爲保毅軍弓箭手分鎮戎寨李繼和請城鎮戎並建議募民兵及弓箭手南渡後原州民兵自衛而已而將才多出於弓箭手

宋廂兵

（輯志）廂兵領於本州有總管鈐轄都監監押管員初內總於侍衛司而諸

州各以事爲屬建隆時選州兵之壯勇者部送京師以備禁衛餘留本州更

置壯城以給繕完城壘之役壯城專治城隍不給他役別爲一軍廂兵之外有義勇號曰保定本州

砦戶每三丁選一爲強人弓手自給衣廩又有蕃兵號曰振邊籍內屬蕃部團結爲藩籬之衛

(宋兵志)涇原路鎮砦城堡二十一強人一萬二千四百六十六壯馬四千

五百八十六爲一百十甲總五百五隊案此合安國耀武等鎮及德順軍隆德砦而言茲記其屬邑境內者又治平

四年閏三月收原州九砦蕃官三百八十一人總二百二十九族七千七百

三十六帳蕃兵萬人馬千匹

新城鎮四族總兵馬三百六十一爲十六隊

截原砦六族總兵馬五百九十六爲六甲二十隊

平安砦

十一族總兵馬二千三百
八十四為十甲四十六隊

開邊砦

十八族總兵馬一千二百
五十四為九甲四十四隊

新門砦

十二族總兵馬一千七
十三為三甲二十八隊

西壕砦

三族總兵馬四百五
十四為四甲二十隊

柳泉鎮

十二族總兵馬九百八
十六為七甲二十一隊

綏甯海安砦

四族總兵馬七百八十
八為四十甲三十二隊

彭陽城

三族總兵馬一百
八十四為五甲

東山砦

四族總兵馬二百
二為四甲九隊

靖安砦

四族總兵馬一千九百八
十二為四甲二十五隊

(輯志)查宋選兵之法戶九丁以上取五六取四並年二十以上涅手背每
十人置十將一五十人置副兵馬使一百人置軍使一副兵馬使一二百人
置軍使一副兵馬使三四百人加軍使一副兵馬使一月受俸仍增給歲錢
(宋史)咸平四年劉綜爲陝西轉運使請於古原州鎮戎軍置屯田五百頃
役軍二百牛八百耕種之於軍城前後北及木峽口各置堡砦分居無寇則
耕有寇則戰擇使臣充四砦監押每砦五百人充屯戍詔從之

明官兵

(平涼府志)駐防把總一員

係固原營官兵俸糧俱在固原城守營領支

防兵三十名

原額民壯一百人
二十人本府上班
八十人本縣操備

(明志)
宏治二年立僉民壯法州縣七八百里以上里僉五人五百里以上四人三百里以上三人百人以上二人有司訓練遇警調發給以行糧而禁役占放買之

弊富民不願則上
直於官官自爲募

機兵二十人

贊曰漢唐兵制具有成規豈其黷武忘備則危邑自明代烽息邊陲遂成內

地無須重師西陲甯謐前清盛時標兵三十以守城池太平日久豹空有皮

藩籬半弛弁卒多疲教民而戰請師仲尼

邊防

清駐防把總一員

防兵三十名

馬快八名

民壯五十名

城守營
(輯志)舊在街西椿樹街後移於街東倉門口

堡

金城堡
西三十里

陳越堡
北二十里

郭家堡
西四十里

王峴堡
西五十里

楊家堡
西七十里

白馬堡
北五十里

王祿堡
北六十里

柳家堡
北一百二十里

鄭家堡
東四十里

劉家堡
南五十里

高家堡
東八十里

馬家堡
東北九十里

附翼堡

東南八十里卽故撫夷縣之地後爲堡今訛爲附翼址存

高祿堡

東南七十里

張道堡

東北一百里

石窟堡

東九十里(郡志)山水環拱石巖百仞堪以禦虜

陳家堡

東南七十里

張家堡

南二十里

安家堡

西二十里

蘇家堡

西三十里

關王堡

南二十里

大王家堡

西六十里

關門堡

南六十里

李家堡

西南三十里

劉倪堡

東七十里

朱家堡

東二十里

龐家堡

東三十里

案以上二十七堡郡志載明嘉靖二十六年知縣雙應麟奉總督張珩令修

葺今或存遺址或廢無徵嘉慶六年楚匪之變大憲屢文檄修時奉不以實

不具錄

舖

各舖俱有司兵

在城鋪 今廢

大峴鋪 東南二十里

田家鋪 東三十里

淺河鋪 東南四十里

竇家鋪 東北十五里

毛家鋪 東北三十里

周家鋪 東北四十里

西坡鋪 東北五十里

楊村鋪 東北十里

南川鋪 南十里

馬鋪頭鋪 南二十里

顯神鋪 南三十里

金城鋪 西三十里

馬家鋪 西十里

九龍鋪 西二十里

平泉鋪 西南四十里

開邊鋪 西四十里

右鋪舍俱廢同治前墩址半存今則一無所有矣

請招城防勇不許

勇者臨時所招募也同治回亂隴東十七縣惟靜甯州莊浪分縣賴以保全者

以有城防故耳時光緒二十一年五月河州回亂西甯響應隴東未雨綢繆請

募勇三百人守城鎮原紳商籌有的款由知縣呈請總督飭令軍裝局發來福

鎗三百枝以資守禦不許

秦州任其昌練兵議大旨謂標兵固屬無用而鄉勇亦不足恃持論平允錄之以俟練兵者採擇焉其文曰古者爭戰之久天下之兵苦於多今者爭戰之久天下之兵幾於亡古者承平日久武備廢弛有兵之名無兵之實一旦有事則必補苴救弊料實符籍又或召募以助戎行收降以散邪黨至於事定便須裁汰故其時之兵常苦於多今者承平無事兵之有名無實亦不異於古所云也乃自粵寇突嶺表若火燎原不可嚮爾時則以不教之卒當方張之賊其將帥類皆庸昏指授乖方進退失計致令凶族方行天下郡國宿兵日被徵調如以石投水以雪沃湯其敢戰者碎顛陷宵脂膏原野其孱弱無力者則鳥驚獸駭棄甲投戈流亡道路不復歸伍於時湖湘鄂岳之間鄉勇蠶起負挺而門智計之士爲其雄長奮其策略屢挫凶鋒聲滿天下四方聞之雲合響應崛起里巷日與賊鏖加以百姓逃亡度支匱竭既養無籍之士豈問失伍之兵兵日以少勇以日多議者遂有欲募勇裁兵不復舊制者而天下之兵落落然幾於亡矣然是說也愚嘗疑之夫兵之弱非兵之罪也勇之強非勇之能也此理也勢也夫以教練不時簡閱不精流蕩亡賴之徒皆得取而充其數而爲將領者又多脆怯閒逸專事逢迎浮靡之態較勝文吏夫如是則兵安得而不弱勇則不然居中一呼聽其自占怯弱之人雖伏死草棘亦無能以性命爲戲

其來則皆彊者也凶悍之氣全積於中又人衆烏合非實有威略亦不敢爲其渠率是以百戰不罷屢出有功然兵之害不任戰而已勇則有不可勝言者不遵紀律不識上下呼主將爲弟舅視勛爵如土苴搶刼人民鹵掠婦女又其甚則擊鼓披甲戕害元戎焚毀都邑殘傷行旅飄然遠颺藏禍宿姦浸淫至今日其不任戰又轉甚於向時之兵夫事不推極其理勢之所由然而輕以一時之計反經常之制豈有當乎今無論爲兵爲勇不均此天下之人哉均此天下之人而曰爲勇則強爲兵則弱轉移其名卽變化其質有是理耶且古昔之事可證已三代以上寓兵於農秦漢而後兵民遂分其間英君察相良將謀臣亡慮數十百輩令其可以罷兵不用則豐財積穀國富民殷計亦誠便而上下四五千年何其覩機若暝卒無有行之者也然則利害之故可覩矣爲今之計莫若依舊撤勇而養兵養兵有兩利不撤勇有兩害兩利旣興兩害自去何苦而不蚤爲之所耶議者必曰撤勇旣無以防姦募兵又無以供費故且因仍固然苟安目前而已然無紀之卒日日蠢動漸至崩決當復大擾何如使現募之勇充未補之兵此皆游歷軍伍無家可歸令有常業應者必衆且技擊夙嫻無煩習練略更體制儲胥自給其有不願占募自必家業尙存散遣歸農理無大害且今日之勇其能晏然而已耶以飄零百戰之餘游手游食果將槁項黃馘老死牖下者耶前者民起而爲賊以勇制之今勇又起而爲賊將以何者制之夫揚湯止沸不如光事撤薪兵營約束較爲嚴整使虎兕入柙防其奔觸漸習法度野心自馴卽天下不幸再有事以習戰之兵當初生之寇一息撲滅易同反手此所謂收兩利去兩害之說也至於倡勇敢黜廢惰習器械精校閱此定制也苟不率此道上下媮安則又將

有兵之名無兵之實矣漢鼂錯曰兵不素練以其將予敵也將不習兵以其君子敵也君不擇將以其國予敵也微哉危哉

裁標兵

鎮原城守營額設制兵三十名清末奉文裁汰所留者八人而已

西北桴鼓不驚承平無事而草莽之夫召集黨徒圖謀內亂者處處有之自國家以至牧令惴惴焉恐其一日而決故增武備鍊戎卒錯置於名城大都險塞要隘而甘肅爲尤重焉非獨防戎狄也亦將有以銷吾之內憂使匹夫而思儼者墜膽於吾之方彊而伏死於畎畝也是故天下智能遠慮之士往往而言兵將以成一日之需然而陰視當今諸將帥或頗號能知兵矣而所以安吾兵與吾民之情使兵不仇吾民之不養吾民不仇吾兵之不義者或未之見也然則吾兵有不用則已焉耳不幸一旦而禍機發士兵已裁新軍

未練其何以恃哉

民國三年秋九月鎮原招募警備隊

甘省警政多未實行從前團練保甲舊章久經廢弛一經有變呼救省防軍隊遠不濟急巡按使張廣建以此次匪擾甘南各縣毫無籌備任其荼毒生靈擄掠財物熟視而莫可如何刻下匪雖東竄而敗逃散匿餘孽猶存加以會匪游勇乘機搶劫驚擾地面滋害鄉閭甘省地廣人稀亂端時作痛定思痛非各縣亟將警備隊妥籌設置將何以靖內亂而保治安茲經酌定名額大縣一百六十名中縣一百二十名小縣八十名每名月給三串文薪餉雜費大縣年需八九千串中縣年需五六千串小縣年需三四千串足數開支

創辦之始籌款最難其大要約分數端一就各縣固有警款一調查自治經費及地方公款公產儘數提出一酌辦城鄉紳富捐商捐舖捐或村捐鎮捐一仿照直隸警章每地一畝酌令認捐多或數十文少或數文隨糧帶徵甘省雖甚貧瘠但使認真倡率吾民有身家財產之觀念與其受盜賊蹂躪之苦而損失無窮孰若輸囊金針一之微而保全甚鉅利害甚明人所易曉是在各知事持以毅力勸以苦口經營慘淡自易觀成各縣公正紳耆紛紛呈請緩辦大致謂陸軍禦外警察治內已爲文明各國之通例前讀大總統由各省民政長分籌的款酌定警備隊名額由知事督率調遣保護市鄉等因仰見大總統愛民察吏除暴安良之至意惟建一政策必賴有行此政策之